


漢詩音註



漢詩音註目錄卷之四

秦嘉

述昏詩

贈婦

留郡贈婦詩三首

應亨

贈四王冠詩

辛延年

羽林郎

宋子侯

董嬌嬈

虎賁郎

射鳥辭

白狼王唐鼓

祚都夷歌

遠夷樂德歌

遠夷慕德歌

遠夷懷德歌

蔡琰

悲憤詩二首

胡笳十八拍

徐淑

答秦嘉詩

蘇伯玉妻

盤中詩

竇玄妻

古怨歌

蜀漢附

諸葛亮

梁甫吟

龐德公

於忽操

卷之四

四

...

...

...

...

...

...

...

...

...

...

...

漢詩音註卷之四

頻陽李因篤子德評

涇上張恂穉恭閱

洽陽王梓適菴校

秦嘉

字士會隴西人

述昏詩 二章

羣祥既集二姓交歡敬茲新昏六禮不愆羔雁總備玉帛
粦粦君子將事威儀孔閒猗兮容兮穆矣其言

紛彼昏媼禍福之由衛女興齊褒姒滅周戰戰兢兢懼德

不仇神啓其吉果獲令悠我之愛矣荷天之休

往與友人論述昏詩

輒言其平不知欲作何等語也此正當家之什

贈婦

曖曖白日引曜西
傾啾啾雞雀羣
飛赴楹皎皎明月煌煌
列星嚴霜悽愴飛雪履庭寂寂獨居寥寥空室飄飄桂帳
熒熒華燭爾不是居帷帳何施爾不是照華燭何爲就展轉反側意寫出前一層亦可云憂而不傷矣

留郡贈婦詩三首

并序

嘉爲上郡掾其妻徐淑寢疾還家不獲面別贈詩云爾
人生譬朝露居世多屯蹇憂艱常早至歡會常苦晚念當
奉時役去爾日遙遠遣車迎子還空往復空返省書情悽
愴臨食不能飮獨坐空房中誰與相勸勉長夜不能眠伏

枕獨展轉憂來如循環匪席不可卷

首篇敘迎而不至顯望懸戀之情其辭氣

甚醇

皇靈無私親爲善荷天祿傷我與爾身少小罹災獨既得

結大義歡樂苦不足念當遠離別思念敍款曲河廣無舟

梁道近隔丘陸臨路懷惆悵中駕正躑躅浮雲起高山悲

風激深谷良馬不迴鞍輕車不轉轂鍼藥可屢進愁思難

爲數貞士篤終始恩義不可促

次篇言瀕去遲回追思宿愛因勉之以自保也河廣

以下就其妻阻病不來一段徬徨至情而各浮雲悲風爲患雖輕車良馬竟致中乖也首篇自言此爲婦言是兩章

結構

肅肅僕夫征鏘鏘揚和鈴清晨當引邁束帶待雞鳴顧看

空室中髣髴想姿形一別懷萬恨起坐爲不寧何用敘我心遺思致款誠寶釵好耀首明鏡可鑒形芳香去垢穢素琴有清聲詩人感木瓜乃欲答瑤瓊愧彼贈我厚慙此往物輕雖知未足報貴用敘我情此篇言將發悲思不寧而附之報贈也措語俱有轉換有進義不但章法井然○二南不作白華之難讀久矣錄此爲伉儷正音將補國風之闕○爲豔詩易爲閨情難言閨情爲婦易爲夫難況贈答之辭乎既不得大粘又推開則泛秦掾諸作正在箇中

應亨以下爵里無攷

贈四王冠詩并敘

永平四年外弟王景系兄弟四人並冠故貽之詩曰

濟濟四令弟妙年踐二九令月惟吉日成服加元首人咸

飾其容鮮能離塵垢雖無兕觥爵杯醺傳旨酒直敘其事申以勸勉

之詞

辛延年

羽林郎

昔有霍家奴姓馮名子都依倚將軍勢調笑酒家胡

奴字是子

都之案依倚句定大將軍之案

胡姬年十五春日獨當爐長裙連理帶廣

袖合歡襦頭上藍田玉耳後大秦珠兩鬟何窈窕一世良

所無一鬟五百萬兩鬟千萬餘不意金吾子娉婷過我廬

銀鞍何煜爚翠蓋空踟躕就我求清酒

有次第

絲繩提玉壺

就我求珍肴金盤鱸鯉魚貽我青銅鏡結我紅羅裾不惜

紅羅裂何論輕賤軀男兒愛後婦女子重前夫人生有新
故貴賤不相踰多謝金吾子私愛徒區區結句不惟絕之且括盡上文無
數情事○皎皎高節却以豔詩傳之與十九首語氣正同其實寫處止末段數語耳此法惟漢人擅長想象風流徧
于閒處設色欲競驅孔雀東南飛矣

宋子侯

董嬌嬈

洛陽城東路桃李生路傍花花自相對葉葉自相當春風
東北起花葉正低昂不知誰家子提籠行採桑纖手折其
枝花落何飄颺請謝彼姝子何爲見損傷代花語高秋入
九月白露變爲霜終年會飄墮安得久馨香秋時自零落

春月復芬芳何時盛年去懽愛藝文作好永相忘寫至此盛顏不及春花遠

矣讀之吾欲竟此曲此曲愁人腸歸來酌美酒挾瑟上高

堂吾欲竟此曲下篇中正意在此○詞音淵渺幾使人墮其中而不測所用心要是遣懷導歡之曲也○總是借

春花好女言懽日無多勸之取樂及時若謂實貴姝子是嚙語出夢人矣

虎賁郎

射鳥辭

漢明帝東巡有鳥飛鳴乘輿上虎賁郎射中之遂作辭云云帝賜錢百萬遂令亭壁皆畫鳥

烏烏啞啞引弓射洞左腋陛下壽萬年臣爲二千石高甚如桃

源中人不屑屑爲多語也

白狼王唐叡

荻都夷歌 三章

荻都夷者武帝所開以爲荻都縣後漢書西南夷傳
曰明帝時益州刺史朱輔宣示漢德威懷遠夷自汶
山以西前世所不至正朔所未加白狼槃木等百餘
國皆舉種稱臣奉貢白狼王唐叡作詩三章歌頌漢
德輔使譯而獻之

遠夷樂德歌

大漢是治與天合意吏益平端不從我來聞風向化所見

奇異多賜繒布甘美酒食昌樂肉飛昌樂即倡樂屈申悉

備蠻夷貧薄無所報嗣願主長壽子孫昌熾

遠夷慕德歌

蠻夷所處日入之部慕義向化歸日出主感慕華風只日

伸其義所謂眼前者拈出便佳也

聖德深恩與人富厚冬多霜雪夏多和

雨寒溫時適部人多有涉危歷險不遠萬里去俗歸德心

歸慈母

遠夷懷德歌

荒服之外土地堯堦食肉衣皮不見鹽穀吏譯傳風大漢

安樂攜負歸仁觸冒險狹高山岐峻緣崖礚石木薄發家

百宿到洛父子同賜懷抱匹帛傳告種人長願臣僕

末二句傳

告字長字有推而廣之遂及無窮之妙○三詩簡質名通自是朱益州譯而爲之何必減班掾傳史乎

蔡琰

字文姬邕之女也博學有才辯適河東衛仲道夫亡無子歸寧于家興平中天下喪亂姬爲胡騎所

獲沒于南匈奴左賢王在胡中十二年生二子曹操痛邕無嗣乃遣使者以金璧贖之而重嫁陳留董祀

悲憤詩二首

後漢書琰歸董祀後感傷
亂離追懷悲憤作詩二章

漢季失權柄

大議論

董卓亂天常志欲圖篡弑先害諸賢良

逼迫遷舊邦擁主以自彊海內興義師欲共討不祥卓衆

來東下金甲耀日光平土人脆弱來兵皆胡羌獵野圍城

邑所向悉破亡斬截

一作殲

無孑遺屍骸相掌

直庚反

拒馬邊

懸男頭馬後載婦女長驅西入關迥路險且阻還顧邈冥

冥肝脾爲爛腐所略有萬計不得令屯聚或有骨肉俱欲

言不敢語失意幾微間輒言斃降虜要當以亭刃我曹不

活汝

要當二句忽就羌人
口中寫出妙不可言

豈復惜性命不堪其詈罵或便

加捶杖毒痛參并下旦則號泣行夜則悲吟坐欲死不能
得欲生無一可彼蒼者何辜乃遭此厄禍邊荒與華異人
俗少義理處所多霜雪胡風春夏起翩翩吹我衣肅肅入
我耳轉自身無痕感時念父母哀歎無窮已有客從外來聞之

常歡喜迎問其消息輒復非鄉里

有客四句忽一推乃實事苦情也而思父母來

骨肉

邂逅徼時願骨肉來迎己己得自解免當復棄兒子

天屬綴人心念別無會期存亡永乖隔不忍與之辭兒前
抱我頸問母欲何之人言母當去豈復有還時阿母常仁
惻今何更不慈我尙未成人奈何不顧思見此崩五內恍
惚生狂癡號泣手撫摩當發復迴疑兼有同時輩相送告